



趙城縣廣勝寺

佛說老母經

敢

僧祐錄云闕譯人名今附宋錄

聞如是一時佛在維耶羅國所止處名曰樂音時與八百比丘僧菩薩萬人俱時有貧窮老母來到佛所以頭面著地為佛作禮白佛言願欲有所問佛言善哉善哉當問老母言人生老病死從何所來去至何所色痛痒思想行識從何所來去至何所眼耳鼻舌身心從何所來去至何所地水火風空從何所來去至何所佛言人生老病死無所從來去亦无所至色痛想行識無所從來去亦无所至眼耳鼻舌身心無所從來去亦无所至地水火風空無所從來去亦无所至佛言諸法亦如是譬如兩木相鑽出火火還燒木木盡火便滅佛問老母言是火本從何所來滅去至何所老母報佛言因緣合會便得火因緣離散火即滅佛言諸法亦如是因緣合會乃成緣離散即滅諸法亦無所從來去亦無所至眼見好色即是意

老母經 第二張 敢字号

意即是色是二者俱空无所有成滅亦如是諸法譬如鼓不用一事成有人持桴捶鼓鼓便有聲是鼓聲亦空當來聲亦空過去聲亦空不從木革桴人手出合會諸物乃成鼓聲聲從空盡空諸所有万物一切亦如是我人壽命亦如是本際皆淨無所有從无所有因作法法亦無所有譬如雲起陰冥便雨雨亦不從龍身出亦不從龍心出皆龍因緣所作乃致是雨諸法无所從來去亦無所至譬如畫師先治板素却後調和衆彩便在所作為畫亦不從板素彩出隨其意所禽獸餓鬼天上世間亦亦有解是慧者不著者便有老母問佛言大歡喜即自說言蒙天中天恩得法眼雖身老羸今得安隱阿難正衣服前長跪白佛言是老母問佛言即解何因緣智慧乃尔佛言大德巍巍以是故而即解是老母者是我前世發菩薩意時母阿難白佛言佛前世時母何因困苦貧窮如是佛言乃昔拘樓秦佛

時我為菩薩道意欲作沙門母以恩愛故不聽我作沙門我憂愁不食一日以是故前後來生世間五百世遭厄如是佛語阿難是老母壽終當生阿彌陀佛國中供養諸佛却後六十八億劫當得作佛字扶波健其國名化作所有被服飲食如忉利天上其國中人民皆壽一劫佛說經已老母及阿難等菩薩比丘僧諸天龍鬼神阿須倫皆大歡喜前以頭面著地為佛作礼而去

佛說老母經

佛說老母經

校勘記

- 一 底本，金藏廣勝寺本。
- 一 五二頁中二行譯者，資、磧作「失譯附宋錄」；普、南、徑作「失譯人名附劉宋錄第二出」；清作「失譯人名附劉宋錄」。
- 一 五二頁中一〇行第二字及一四行第三字「舌」，資、磧、普、南、徑、清作「口」。
- 一 五二頁中一一行第一三字「言」，資、磧、普、南、徑、清作「言善哉是問大快」。
- 一 五二頁中一三行「想行」，資、磧、普、南、徑、清作「養思想生死」。
- 一 五二頁中末行第一〇字「好」，資、磧、普、南、徑、清無。
- 一 五二頁下三行第四字「捶」，資、磧、普、南、徑、清作「打」。
- 一 五二頁下四行第一一字至五行首字「不從木革桴」，資、磧、普、南、徑、清作「是聲不從皮亦不從鞞亦不從桴及」；麗作「是聲亦從木革桴」。
- 一 五二頁下一二行第一二字「便」，資、磧、普、南、徑、清作「自」。
- 一 五三頁上三行第一三字「世」，資、磧、普、南、徑、清作「世世」。
- 一 五三頁上六行第一一字「健」，資、磧、普、南、徑、清作「捷」。